



Broj: 05-50-1-361/14
Sarajevo, 19.3.2014. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	21-03-2014		
Organizaciona jedinica	Klasifikaciona oznaka	Redni broj	Broj priloga
01-50-1-15-62/14			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 88. sjednici održanoj 19.3.2014. godine, utvrdilo je Odgovor na zastupnička pitanja koja je postavila Nermina Zaimović-Uzunović, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-361/14
Sarajevo, 19.3.2014. godine

Nermina Zaimović-Uzunović, poslanica u Predstavničkom domu Parlamentarne skupštine Bosne i Hercegovine, na 62. sjednici Predstavničkog doma Parlamentarne skupštine Bosne i Hercegovine održanoj 23. januara 2014. godine uputio je Ministarstvu civilnih poslova BiH sljedeće poslaničko pitanje:

1. Koliko se u 2013. godini izdvojilo za nauku iz svih nivoa budžeta u RS-u, Federaciji BiH i BiH?
2. Koliko je u 2013. godini nauka povukla sredstava iz međunarodnih projekata?
3. Koliko će BiH izgubiti zbog storniranja dijela IPA projekata namijenjenih BiH?
4. Koje se aktivnosti u Ministarstvu civilnih poslova provode na koordinaciji aktivnosti u naučnoistraživačkom radu i sa kojim institucijama u BiH izvan?

Na postavljeno poslaničko pitanje Vijeće ministara Bosne i Hercegovine je na 88. sjednici održanoj 19. 03. 2014. godine, utvrdilo sljedeći odgovor

ODGOVOR

1. Finansiranje naučnoistraživačkog rada i tehnološkog razvoja u Bosni i Hercegovini se odvija na više nivoa. Na nivou Bosne i Hercegovine za ove aktivnosti sredstva izdvaja Ministarstvo civilnih poslova Bosne i Hercegovine putem javnih konkursa na koje se pozivaju svi naučnici i naučnoistraživačke institucije BiH.

MCP BiH osigurava grant sredstva „Programi za pripremu projekata i potencijalnih kandidata za sredstva iz fonda EU-FP7“ od 2008. godine.

Cilj ovog granta je da se kroz davanje finansijske podrške projektima međunarodnog karaktera podstaknu domaće istraživačke institucije za rad na međunarodnim projektima u okviru programa FP7, COST i EUREKA.

U 2013. godini iz ovog granta dodijeljena su sredstava u iznosu od 242. 200.00 KM.

Doprinos države finansiranju nauke ogleda se i kroz osiguranje sredstava za plaćanje «ulazne karte» za članstvo u FP7 EU, kao i plaćanju članarine za programe COST i EUREKA.

Ministarstvo civilnih poslova svake godine također raspisuje i konkurs za dodjelu sredstava iz granta „Podrška tehničkoj kulturi i inovatorstvu u Bosni i Hercegovini“.

U 2013. godini po osnovu ovog granta dodijeljena su sredstva u iznosu od 130. 000,00 KM.

Agencija za statistiku Bosne i Hercegovine u decembru 2013. godine prvi put je objavila podatke o istraživačkoj djelatnosti u Saopštenju „Istraživanje i razvoj, 2012.“

U ovom saopštenju objavljeni su, pored ostalog, podaci o izvorima finansijskih sredstava utrošenih za istraživanje u razvoj u 2012. godini, gdje se navodi da su državna uprava i ostali novoi uprave za ovu oblast izdvojili sredstva u iznosu od 3. 399, 405, 00 KM (u tabeli ispod).

1.2. IZVORI FINANSIJSKIH SREDSTAVA UTROŠENIH ZA ISTRAŽIVANJE I RAZVOJ, 2012.
SOURCES OF FINANCIAL FUNDS SPENT ON R&D, 2012

	Ukupno <i>Total</i>	Vlastita sredstva <i>Own resources</i>	Privatna i javna preduzeća <i>Private and public enterprises</i>	Državna uprava i ostali nivoi uprave <i>Central, entity and other levels</i>	Neprofitne institucije <i>Non-profit institutions</i>	Finansijska sredstva iz inostranstva <i>Funds from abroad</i>	
SEKTORI - UKUPNO	69 577 126	17 615 500	800 462	17 266 228	30 000	33 864 936	SECTORS - TOTAL
Udio (%)	100,0	25,4	1,2	24,8	0,0	48,6	Contribution (%)
POSLOVNI SEKTOR	40 895 000	11 101 000	98 000	1 512 000	-	28 184 000	BUSINESS SECTOR
Udio (%)	100,0	27,2	0,2	3,7	-	68,9	Contribution (%)
DRŽAVNI SEKTOR	9 908 564	1 359 500	54 462	3 399 405	-	5 095 197	GOVERNMENT SECTOR
Udio (%)	100,0	13,7	0,6	34,3	-	51,4	Contribution (%)
VISOKO OBRAZOVANJE	18 604 000	5 147 000	644 000	12 315 000	30 000	468 000	HIGHER EDUCATION
Udio (%)	100,0	27,6	3,4	66,3	0,2	2,5	Contribution (%)
NEPROFITNI SEKTOR	169 562	8 000	4 000	39 823	-	117 739	NON-PROFIT SECTOR
Udio (%)	100,0	4,7	2,4	23,5	-	69,4	Contribution (%)

Agencija za statistiku BiH planira podatke za 2013. godinu objaviti krajem 2014. godine.

Ministarstvo civilnih poslova BiH prosljedilo je poslaničko pitanje svim nadležnim ministarstvima za nauku u Bosni i Hercegovini (entitetskim, kantonalnim i odgovarajućem Odjeljenju u Vladi Brčko Distrikta BiH).

Do dana 05.03. 2014. godine zaprimljeni su sljedeći odgovori:

Ministarstvo nauke i tehnologije Republike Srpske

Planirana sredstva za razvoj nauke i istraživanja, koja se evidentiraju u Ministarstvu nauke i tehnologije Republike Srpske bila su za 2013. godinu 3.330.000,00 KM

Ministarstvo obrazovanja i nauke Federacije Bosne i Hercegovine

Budžetom Federacije Bosne i Hercegovine za 2013. godinu („Službene novine Federacije BiH“, broj: 106/12) utvrđeno je da ukupna izdvajanja za oblast naučno-istraživačkog i istraživačko-razvojnog rada (putem Transfera za oblast nauke od značaja za Federaciju i Transfera za razvoj institucija nauke i podsticaj NIR od značaja za Federaciju) iznose 3.081.000,00 KM. Od ovog iznosa, za naprijed navedene namjene utrošeno je 2.960.507,02 KM.

Ministarstvo prosvjete, znanosti, kulture i športa Županije Posavske u budžetu za 2013. godinu nije planiralo izdvajanje sredstava za razvoj nauke i istraživanja.

Ministarstvo je iznos od 20.000,00 KM dodijelilo Sveučilištu u Mostaru za ispunjenje suosnivačkih obaveza ali ne raspolaže informacijom da li je Sveučilište utrošilo dio sredstava za razvoj nauke i istraživanja.

Ministarstvo prosvjete, znanosti kulture i sporta Hercegovačko-neretvanskog kantona

U 2013. godini ministarstvo nije planiralo ni utrošilo sredstva za ove namjene.

Ministarstvo za obrazovanje, nauku, kulturu i sport Zeničko-dobojskog kantona

U Budžetu Zeničko-dobojskog kantona za 2013. godinu na poziciji „Transfer za naučno-istraživačku djelatnost“ planirana sredstva u iznosu od 40.000,00 KM, a utrošena u iznosu od 2.296,30 KM.

Ministarstvo obrazovanja, znanosti, kulture i sporta Županije Zapadnohercegovačke

U 2013. godini nije bilo izdvajanja iz budžeta za nauku i istraživanje.

Ministarstvo obrazovanja, nauke, kulture i sporta Unsko-sanskog kantona

U 2013. godini nije bilo ulaganja za razvoj nauke i istraživanja iz sredstava budžeta kantona. Obzirom da se navedene aktivnosti provode na Univerzitetu u Bihaću putem Univerziteta je utrošeno 29.652,81 KM.

Ministarstvo za obrazovanje, mlade, nauku, kulturu i sport Bosansko-podrinjskog kantona

U 2013. godini ministarstvo nije imalo izdvajanja za razvoj nauke i istraživanja zbog malog priliva sredstava u Budžet Bosansko-podrinjskog kantona.

Ministarstvo za obrazovanje, nauku i mlade Kantona Sarajevo

U budžetu Kantona Sarajevo za 2013. godinu na razdjelu Ministarstva za obrazovanje, nauku i mlade na poziciji Transfer za nauku odobrena su sredstva u iznosu od 3.700.000 KM. Sa ove pozicije sufinansira se rad pet naučnih instituta i Akademije nauka i umjetnosti BiH. Sredstva su realizirana u iznosu od 3.698.900 KM.

Za podršku razvoja nauke na pozicijama „Programi nauke“ i „Stipendije učenicima i studentima“ odobrena su sredstva u iznosu od 585.000 KM (sufinansiranje naučne infrastrukture u Kantonu Sarajevo-osiguranje on-line pristupa bazama podataka, sufinansiranje troškova studija dobitnicima priznanja „Zlatna značka“, sufinansiranje naučno-istraživačkih i istraživačko-razvojnih projekata u Kantonu Sarajevo, podrška učešća mladih naučnika i istraživača na naučnim skupovima, podrška izdavanja naučnih časopisa i knjiga, podrška objavljivanju radova u časopisima koji prate

međunarodne referentne baze podataka). Sredstva za navedene namjene realizirana su u inosu od 464.000 KM.

Ministarstvo obrazovanja, nauke i sporta Srednjobosanskog kantona

U 2013. godini nije bilo izdvajanja iz budžeta za nauku i istraživanje.

2. Institucije iz Bosne i Hercegovine su iz programa FP7 (Sedmi okvirni program Evropske zajednice za istraživanje, tehnološki razvoj i ogledne aktivnosti) u 2013. godini uspjele povući oko pola miliona Eura, dok se za učešće bh istraživača u programima COST i EUREKA informacija nemože iskazati u traženoj formi budući da se za program COST pretežno radi o troškovima putovanja i smještaja, a za program EUREKA institucije iz BiH, da bi mogle sudjelovati u projektima, moraju osigurati vlastita sredstva ili sredstva treće strane.
3. Cijena ulazne karte za HORIZONT 2020 za svih 7 godina učešćasa 50% popusta iznosi 39.4 miliona Eura.
Ministarstvo civilnih poslova BiH nastoji da 90% ovih sredstava bude plaćeno iz IPA instrumenta a ostatak iz Budžeta institucija Bosne i Hercegovine i međunarodnih obaveza Bosne i Hercegovine.
Teško je procijeniti koliko su institucije iz BiH u stanju da povuku sredstava, ali usporedbe radi samo ulazna karta za 2014. godinu je 4,6 miliona Eura, a ukupno za vrijeme trajanja iz FP7 programa (2007-2013) povučeno je 3,5 miliona Eura
4. Ministarstvo civilnih poslova BiH, kada je riječ o oblasti nauke, nadležno je za utvrđivanje osnovnih principa koordinacije aktivnosti, usklađivanja planova entitetskih tijela vlasti i definiranje strategije na međunarodnom planu.

U tu svrhu ministarstvo sprovodi sljedeće aktivnosti i saraduje sa sljedećim institucijama:

- Koordinacija aktivnosti sa entitetskim tijelima vlasti nadležnim za oblast nauke
- Priprema međunarodnih sporazuma/ugovora iz oblasti nauke, praćenje primjene domaćih sporazuma i strateških dokumenata iz područja nauke i predlaganje aktivnosti s tim u vezi; aktivno praćenje evropskih integracijskih procese i iniciranje njihove konkretizacije;
- Učestvovanje u pripremanju novih i praćenje primjene usvojenih evropskih konvencija i deklaracija iz oblasti nauke
- Priprema izvještaje kao i učešće predstavnika BiH na evropskim i svjetskim konferencijama iz oblasti nauke
- Vođenje i koordinacija aktivnosti saradnje sa adekvatnim organizacijama, organima i tijelima Evropske zajednice i Ujedinjenih naroda, kao i sa svjetskim asocijacijama iz oblasti nauke
- Praćenje programa finansijske pomoći Evropske zajednice i svjetskih asocijacija i iniciranje apliciranja za iste;
- Prikupljanje i analiziranje informacija i podataka o nauci
- Podržavanje savjetodavnih i drugih tijela formiranih za nauku na državnom nivou;
- Rad na jačanju i promociji nauke kao bitnog dijela ukupnog društveno-ekonomskog napretka zemlje i njenog statusa u Evropi;
- Koordinacija aktivnosti i tehnička podrška Savjetu za nauku u BiH;
- Koordinacija aktivnosti i tehnička podrška Državnoj komisiji za UNESCO BiH;
- Koordinacija procesa evropskih integracija u oblasti nauke programiranje IPA pomoći, te Programa Zajednice.